

歸

愚

詩

鈔

歸愚詩鈔卷十八

長洲沈德潛礪士

七言律詩

歸舟雜興

乞假南歸舟中無事俯仰身世欣慰交心
隨所感觸即事成詩

輕裘重上路河船無限歸心在鴈先衰柳長堤仍
滿目霜髭雪鬢倍當年萬津杳渺寒雲外郭縣蒼
茫夕照前何事石尤偏阻客南行轉似上青天
渾流盤屈到津門同譜過後好慰存

王進士緯係
舊交同姓進

士和模係鳴鳥求聲欣得友藝葵墜土欲培根他
竹墩分文鳴鳥求聲欣得友藝葵墜土欲培根他

時勲業需公立此日風騷共我論酒罷河干歌折
柳離筵賓主總消魂

宴罷瀛臺幸五臺

鸞旗遙指路崔巍

六飛高御峰徐上萬古嚴氷暖欲開

上有太古氷

天子巡行歌洛矣羣工賜拜和康哉

小臣

未得驂

騶從西望秦雲首屢迴

稽天積潦自清秋迷漫徐淮勢不流離散丁男鴻

雁苦焦勞兩夜

廟堂憂空聞賈讓籌三策誰佐重華奠九州稍喜
大臣權補救春來還得試耒耜

朽木何心更向陽散仙偶得近雲房七旬乍離漁
樵隊五載旋參政事堂自信秉心惟拙訥敢云報
國有文章還山預約唐溪友元結依然是漫郎
先人清德久云徂墓道年來缺剪蕪婦豎聊聞春
薦盎松楸空憶夜啼烏

主恩錫命連三世子職邀榮返五湖為善古今無
不報瀧岡阡表語非誣

闕門送我涕連沍別堪憐即此時五十年間茶

並苦三千里外繭藏絲那能真到稠桑驛不忍重
吟落葉詩此後何人共風雪殞宮素帳已塵縑
北郭詩人舊盍簪黃鍾宮律耻齷齪日邊偶爾淹
車轍吳下空教憶雅南擬結小亭圖孟浩還成新
句付何戡聯吟刻燭歸來事鞭弭周旋我尚堪
助我諸賢共切磋追隨煮字舊行窩程門敢比吟
風月王氏曾同廢蓼莪出岫閒雲且臺閣藏山名
璞尚巖阿離羣計日應重合故業相邀一訂訛
楊柳塘邊葑水溪當年聚族住東西傍橋屋繞湖
三面沿路人畔雨一犁越陌度阡來客友挽車提

甕仗荆妻于今往事空追憶魂夢過行徑不迷
生平不敢受恩私古道由來重感知曾以賦棊呼
小友還因詠草賞新詩九原可作惟隨武千里相
思是向期更有姓名留夾袋樹入心事切調饑
筇屐尋幽舊寂能幾年留滯阻飛騰東西石岬神
常歷南北高峰夢屢登蕭寺鐘魚記黃鶴燈船鼓
吹話金陵南歸更與山靈約布襪青鞵興轉增

贈翁霽堂徵士

龐山湖畔款煙蘿屈指年華歎逝波交自貧時情
倍切人當老去感偏多聲光豈附青雲士纓帶空

嘲春夢婆此日任城同會合酒樓眺覽足高歌

城有

太白
酒樓

河隄草草話匆匆四十年餘憶積悰徵士溪田虛
種秫郎君薄宦久哦松鄭公幕府淹高駕黃歇名
山待瘦筇他日歸來試相訪空江蘭葉采芙蓉

賦得殘月如新月

顧兔留痕祗一規宛然昏候吐纖睂魄殘略近哉
生象弦短鬣同乍上時遊子早行疑夜淺深閨遙
拜訝更遲請看秋柳霜黃色轉似春初萬縷絲

御筆畫梅

御題七言近體

百年鐵骨風霜鍊一點冰心天地知

御筆寫神蕪寫格藝林無畫亦無詩香流南國凝
晴雪影動西墻見折枝可惜逋仙老巖壑沉淪未
遇

聖人時

菊枕和周蘭坡前輩韻

囊裡寒花三徑收晚香吟藉老夫頭盛將霜露人
原潔臥異邯鄲趣自幽五夜晏休疑在谷四時輾
轉總逢秋獨醒不覺遲遲起夢入紫桑為小留

奉

敕題驄馬圖

策凌所貢馬

憑將健筆寫追風
流汗成珠氣吐虹
立向玉墀雲委地
來從青海鳥行空
五花叱撥宜通貢
萬里渠搜願効忠
自是德威能服遠

聖朝豈數貳師功

閤中即事和鄂虛亭少司馬韻

鎖闥校閱靜無喧
派別紛紜滙一門
高望欲窮千里目
虛衷聊答

九重恩途經朱陸
分同異辭到楊劉
絕本根

先正宗風應好在與君漬墨細尋論

送阮澂園太史南還

玩占已得遜初爻野鶴翛然返故巢肯上危墻爭
蝨蝨劇憐虛牖冒蠭蛸自娛聊復酬賓戲尚白何
須解客嘲不比分岐送臨賀都亭應集舊時交
辦將布襪與青鞵中歲抽身亦復佳歸里堽荒分
雅樂留賓葵藿飫清齋五雲渺渺前塵夢十畝閑
閑佚士懷況有業遲共初服砥澗太史一竿取次
釣清淮

西湖隄散步同雷翠庭大銀臺作

左帶平田右帶湖晴虹一路繞菰蒲波間柳影疎
蕪密雲際山容有忽無遺臭豐碑舊闌豎煎茶古
寺老浮屠寺有碑頌魏忠賢功閒遊宛似蘇隄畔
欲向橋邊問酒壚

初寒夜園居詠懷

木落園林霜降初松牕月上看疑虛燈昏一穗留
殘焰鼠耗千聲齧敗書

聖主恩深憐老病度支祿減棄迂疎有旨原銜
食俸農曹減
去其半哦詩偶憶高常侍舊日漁樵在孟諸

紙帳寒光分外明蕭然枕簟有餘清鰥魚難合經

宵目老馬還諳千里程南國閭閻虛告糴西川險
隘正連營頻添身世無窮思已聽村雞報五更

禁旅

禁旅連屯獠洞邊捷書猶未達甘泉

廟堂推轂惟元輔衛霍成功自壯年梯磴懸軍無
險地盤山轉粟上高天不須七番兼擒縱戮取鯨
鯢奏凱旋

紀

恩陞辭恭呈四律

蓬蘽數載貳春官趨侍承華道孔顏身老蹉跎難

稱職

主恩優渥許還山此行就

日辭丹鳳敢擬臨風放白鷗五夜夢魂餘眷戀早
朝猶入紫宸班

傳來

天藻下衡廬異數猶頒去國餘寒士舊曾依澗壑
詩人老矣注蟲魚遺榮疏廣同歸里解組知章並
遂初應有白虹千丈起

賜書光氣燭空虛

皇言披閱倍心欽紉縵鄉雲共朗吟法

祖敬

天隨感觸勤民求士入規箴登臨岱頂山俱小泛
涉瀛洲瀆未深一十三年宵旰意金和王節總惜
惜

輕舸一葉返煙蘿回首紅雲憶馭娑常諭鄉鄰
天子聖不忘寤寐碩人邁太平日月扶筇杖無恙
筋骸足嘯歌

萬壽五旬

臣

望九還期隨衆拜

鑾坡

奉辭

皇長子三律

叨陪講席到蓬瀛

詔許衰齡得課耕敢謂還鄉並疏傳自慙稽古比
桓榮觀開甲地窮經籍食却郡蒿輔性情博士邢

有不正之名非殿

下所食見北史談道幾忘

天胄貴披陳迂論每硜硜

禮隆尚齒到羣儒頭白尤承晉接餘聊藉他山攻
美玉豈因老驥識長途三年曉露趨

雙闕一帆輕風返五湖此去南枝巢越鳥日邊遙

羨上林烏

同輔道諸公

朝嬰夕側養根源奮武敷文並討論稽考典墳尊
古訓調嬾馬射率諸昆貴能下賤真忘勢智可容
愚樂受言別後相期崇令德豈徒辭賦擅繽紛

出都日承戊辰諸通門祖餞都亭賦詩言

別

回首春明轍故遲都亭祖道悵分岐別當晚歲情
逾黯酒到離筵醉不辭老我沙鷗尋舊侶諸君葵
草向陽曦他時耿耿難忘處燕樹吳雲兩地思

塔影園文讌四律

桂香入座午風清簪盞閒園會友生嘉客携羣來

鹿水

王貢士鶴書孝
燕鳳皆諸子

仙槎浮浪自滄瀛

葉進士子
敬主人李

貢士健

林諸子

吾衰幸未老生耳類聚欣占鳳善鳴若箇

當筵馳陣馬文成先吐句庚庚

對酒當歌歌可夫由來良會重吾吳文章聲價闕

金石霸業消沉弔蟪蛄嵐翠斷邊銜落照波光定

霞卧浮圖興高狂語頻驚坐依舊江湖一釣徒

社事飄零散慎交敦槃此日續西郊道存砥礪聯

三益象取乾離玩六爻剖異正須分黑白和聲終

貴合絃匏諸君預擬明堂詠肯効揚雲作解嘲

地是野王文譙地時當白帝駐車時千秋懷古每

如此四國名流某在斯深喜蘇瓌真有子

曹黃門謬庭令

子菽衣時有文舉

還希杜甫韻多師只慙老我摧頽甚空

艷梅邨修禊詩

閱邸鈔見

俞旨訪經學之士中間齒及臣名捧誦之下幾於

感泣賦詩恭紀

得歸下里賦閒居

帝眷依然念散樗一技自慙同戮線

九重偏許耨經會衰年短燭光無幾古訓良苗立
有餘顏脫皮毛勤樸學漫教詞賦慕相如

述興

老去飄然賦壯遊，錢唐風物漫勾留。
一千里外煙霞客，三百灘邊舴艋舟。
流水桃花隨所遇，青鸞綠節豈難求。
此行期與客成晤，直到天都峰頂頭。

潛口汪麗青園居

地近仙都每換形，幽居略似枕煙庭。
水洄曲汜半篙綠，山入空亭數點青。
采藥負苓俱得友，養魚相鶴也成經。
萬花開放憑君管，便擬蓉城石與丁。

慈光寺

盤盤躡磴上慈光，知是先朝選佛場。
四面奩容真

圓滿三層寶閣入微茫鳥鳴山樂同聲和木放蓮
花隔院香老衲劇談興廢事空門也復感滄桑

四面

佛及木蓮花明神宗敕賜木蓮花
山中只一本山樂鳥山外亦無

南鎮

周禮會稽推首望大神作鎮鎮南方位同炎宿垂
朱鳥德秉離明祀赤璋寢殿闕宮常肅穆雲車風
馬每騰驤

吾皇報饗勤咸秩總為蒼生祝降康

禹陵

於越當年朝玉帛苗山終古禁樵蘇平成得所還

天地功德相兼合典謨龍柳不須歸夏邑寢園自
合並蒼梧漫因窆石滋浮議博辨由來是陋儒

和邵灑夫孝廉桃花園詩

閒園四面簇明霞地近滄浪半隱家手把一編惟
種樹序當三月好看花亞枝臥水觀空色麗蕊翻
風襍整斜仿佛仙源塵跡外不教人羨邵平瓜

佳種移來自五茸

從松江移植

編籬插棘付園公不容

人到花垂地微覺香生蜨繞叢
莫洗妝經夜雨
惺忪破靨笑東風
春來莫謂無功業
竟日平章干

樹紅

寓園寫懷

家山隨霧覓安恬，借得郊園跡暫淹。
漸脫儀文惟就嬾，頗分花藥亦傷廉。
翻書驅蠹常堆榻，畱燕成巢日卷簾。
況有白雲素怡悅，不須期約每棲檐。
歸來不辱草堂靈，長日閑閑坐小亭。
飽食有緣須菜甲，生機無限問園丁。
入雲穠樹屏中綠，渡水名山鏡裏青。
底事未捐文字習，晴窓常注種魚經。
消受幽居六月涼，吾廬客寓兩相忘。
歸休合就愚公谷，眺遠聊同華子岡。
村社逢人談稼穡，晝眠無事遇羲皇。
隔垣便是招提境，鐘磬聲聲打夕陽。

老鶴歸巢不出林元規塵起那能侵

主恩代蓄三年艾

前陸薛日五食丸藥止病上賜

農業還仍十

載心硯石山宜詩格瘦桃花潭比友情深爲汪子

硯

雪泥他日懷指爪渺渺鴻飛倘許尋

登莫釐峰

東山突兀此峯尊縹緲相望似弟昆杖底白雲千
疊起袖邊紅日一丸奔魚龍積氣常屯聚濤浪穿
空互吐吞隋代荒墳虛想象清樽何處酹忠魂莫

將軍隋時忠臣葬於此山峯以是名

過柳下季墓

豐碑高峙嶧山東柳下遺墟入望中自昔枉朝行
直道到今寒月想和風一言私謚妻能定三黜遺
賢相未公隴畔采樵還禁否春來草樹可龍蔥

蒙

恩賜貂裘恭紀

羔羊五絨微臣職

特給豐貂禮數寬捧出自開

天府笥披時更重侍中冠筋骸頽老能添煖風雪
飄零不畏寒拜

賜彤堦耀金紫旁人幾作上公看

張墨岑招飲

座間語笑半吳儂
我輩由來禮數慵
春信先於殘臘報
故交偏在客途逢
舊遊似話三生石
薄醉還圖九里松
時寓浙西山水
霜杵聲聲窓外起
東華已息軟塵蹤

舟過宿遷

片帆下相隄邊下
如馬奔騰亦快哉
平野茫茫當艦過
河流滾滾盪胸來
喑鳴叱咤人千古
慷慨悲歌酒一杯
前路楚坡雲水畔
英雄剩有釣魚臺
泛黃浦至陳生龍蟻家
夜宿春雨樓

申浦茫茫赴急流此間遙泝鳳麟洲尋仙不羨秋
風客訪舊還登春雨樓未遇杏花遲語妙素耽桂
樹守巖幽寒燈同爾翻遺冊騷雅分明屬故侯同時
閱上海國初諸遺老詩

題李勉百孝廉詩卷後

唐宋喧呶論不平君詩有主自能鳴思抽乙乙中
懷苦句吐庚庚衆眼驚采擷莊蘅希屈宋別裁鄭
衛溯咸英老夫憊矣無能役待爾東瀛掣大鯨

送王鳳喈孝廉北上兼柬錢曉徵褚摺升
二中翰

酒半離亭客便興，辭鄉偏覺氣凌嶒。霜寒白雁初
留影，棹破黃河未合冰。策獻治安師賈誼，志輕溫
飽緬王曾。相逢薇省諸君子，共上金臺最上層。

張鐵珊見過出示詩卷

斷雲相失復相逢，十載流光憶舊容。顧我歸休安
退鷁，惜君偃伏尚潛龍。西泠花月前塵夢，南國人
琴午夜鐘。共話辛亥歲修西湖志事時共約他時
泛蘭櫂，駕鵞鵝湖畔采芙蓉。

陸堂

陸聚麒先生

韻語味深沉，似舅欣聞正始音。希澹
自諧前代樂，和平如遇古人心。金多不賣長門賦，

興到還成吳會吟
近日更逢三益友
舒雲亭明府
並探琴德在惛惛

潘森千藝花馴鶴圖

素耽香草狎胎仙
閑裏尋忙嗜獨偏
高價每償花市券
短犁時耨鶴糧田
滋培有術量晴雨
馴擾無機適性天
和靖曼卿俱尚友
此中佳趣足忘年

題王蘭成三泖漁莊圖

魚鳧連延接鴈汀
伊人新勒草堂銘
三重湖泛天邊白
九點螺橫鳥外青
菰米飯炊香淡淡
水仙操動韻泠泠
往來時有樵夫迹
問答微言摠性靈

題家澹所草書後

空堂蛟虬忽然走恠底阿咸稱竄能極縱橫中合
規矩似斷續處偏飛騰擔夫劍器吾師法芭蕉柿
葉誰因仍近來古拙參漢隸更躋高格窮峻嶒

歸愚詩鈔卷十九

長洲沈德潛礪士

五言長律

謁孝陵二十韻

大業開江甸，真符啓帝王。
九州紛割據，一劍掃欃槍。
將帥風雲合，乾坤日月光。
酬庸頒誓誥，定禮徧要荒。
湯沐隆濠府，梯航會建康。
治功仁欲浹，遺詔語難忘。
丹寢江流繞，金燈鍾阜藏。
鬼神朝法駕，龍虎護雲房。
一自炎精失，俄看寶祚亡。
闕宮來牧豎，隧道走牛羊。
華表傾雙闕，穹碑臥兩廊。

聖朝尊盛烈

御筆煥天章

聖祖有治隆
唐宋御筆

典守仍宮監儀文倣

奉常草茅登殿陛稽拜肅冠裳靈氣開珠匣龍形

儼主林虬鬚唐帝子隆準漢高皇

謂高帝
御容

異代原

陵舊春風第草長初無麥秀感似有黍離傷王氣

銷南國空巖並北邙徘徊松柏路斜日下紅墻

蟬鳴高樹間

野樹濛濛合涼蟬嘒嘒吟高枝無俗韻清夜有遺
音喧覺寒塘靜晴添素月陰風疎聲欲斷煙重響
逾深遠舉非吾分無求共此心因懷傅休奕幽興

滿園林

孤雲帶鴈來

向夜孤雲動，清秋朔鴈哀。
半空無影度，一片逐聲來。
舒卷行疑斷，虛無翮並開。
相將經綵闕，依約過霜臺。
潤物應無迹，同羣自不猜。
遙知寓直者，天漢仰昭回。

春莫集橋西草堂十二韻

五畝橋西宅，閒門雜樹交。
紅垂櫻半熟，綠嫩筍全包。
花氣移蜂穴，泥香落燕巢。
陶廬真自愛，元叟戲稱聾。
屨滿賓齊駕，筵開主命庖。
青絲携桂酒，玉手

潔蘭有雅量逾三爵清言豈載訖字令阿買寫詩
付虎兒鈔宴樂觀需象棲遲玩遞爰晚庭飛蟻蝶
虛牖織蟪蛄江郭煙初暝城樓鼓乍敲歸途重分
袂纖月挂林梢

御試保和殿賦得因風想玉珂

直宿龍樓近良宵儼在公堂空宜受月珂動想因
風節以清飈送音緣天籟通憑虛諧律呂結念響
瓏璵隱隱梧垣外遙遙銀箭中趨朝應待命入覲
緬和衷境靜神逾肅身閒耳倍聰朝來陳諫草悃
欵達深宮

御試賦得春蠶作繭

得咸字

蠶月條桑候蠶家
閑戶嚴纏絲絲漸吐宛轉縷俱
銜巧性形維肖藏身裏似絨員時疑比甕挂
縹想棲巖理緒覘多蘊文心悟不凡已看筐滿滿旋摘
手摻摻黼黻憑繹藉荆揚足貢函冰絃成五色
清廟奏韶咸

御試賦得折檻旌直臣

得交字

漢室容強諫賢姦豈混淆劉方難自屈柔佞那能
色欲褫無良魄寧為沒口乾誅心霜共凜攀檻虎
同號呼顙聲偏激旌揚忠可教殿廷留跡象史冊

勵衡苑

聖代懸韜鐸羣材恥斗筭孝成何足慕占叶天
交

秋澄萬景清

館課

秋序平今候相看秋月明九霄唯皓皓一氣欲盈
盈浪息瞻銀漢樓開想玉京流雲寒失影零露寂
無聲環宇冰壺徹涵空寶鏡涵當筵燈自淡遶樹
鵲頻驚輪滿光難晦更深境倍清遙知西掖客漢
殿浥金莖

瀛臺侍宴用唐李嶠甘露殿應制韻分賦

得橋字

行殿聳岩巍筵開坐九霄

君臣同樂豈聲振協簫韶法酒三漿泛官厨五味

調思魚跳玉尺仙柳拂紅橋已聽歌行葦

前一日宴宗支

之近還聞賦蓼蕭宴餘寬禮數許蕩木蘭橈

吼山

山經開鑿後轉成奇巧

舟許穿山入晨偏幻夕冥水光涵澹白石骨露空

青錐鑿翻天巧玲瓏訝地靈鳥閑常傍客魚定每

聽經前哲能耽隱

陶石簣先生隱居於此

名巖樂改形來遊

難遠別棹轉幾回停

七言長律

恭賦

御製五風十雨杏花邨

太和元氣霽無垠，一抹輕霞護華門。
柳外青帘堪問酒，水邊紅樹自成村。
嫩寒藏露香疑歛，早霧開餘氣欲溫。
長養風過寧著迹，霏微雨潤不留痕。
綿延阡陌蕪濃淡，調適陰晴計曉昏。
佇待迎新賜煙火，漸逢作社賽雞豚。
繪圖幽俗還三古，傳寫節檐在九閭。

無象太平今有象，田家遍野荷

聖人恩

賦得珮聲歸向鳳池頭

千官濟濟出彤墀又值分曹向午時
花影覆邊行緩緩玉聲和處步遲遲
清鏘遙聽鷓鴣合宮徵徐傳左右宜
接迹班聯餘整肅散朝音節詎參差
鑪香惹袖來鰲極槐蔭垂雲向鳳池
鈴索不聞歸院落詔書裁罷布綸絲
盛時龍衮無煩補學士珪璋願獻規
猶想餘音諧律呂羔羊退食自委蛇

玉壺冰

虹影寒光起坐隅空明映徹異縣珠
獻羔開後仍

疑水剖璞攻來略並玉雙美無瑕應作偶纖塵不
滓恰相符外周溫潤藏晶魄中滿清泠藉瑾瑜朗
潔兩重虛可受玲瓏一片用當需暫停白羽何須
拂遠避青蠅
每同趨

熙朝正貴含章質抱玉懷冰敢自渝

御試紀

恩詩八韻

御試辭曹集鳳麟班聯

賜坐席重裯大官掌膳烹調和中使宣

恩賚予頻初夏律長將應姑

試日為四月晦日

自鳴鐘動

恰當辰

天顏有喜逢甘雨

帝語如春及

小臣

蠶食葉聲齊走筆頗添紋皺各

傳神廷前折檻懷炎漢潭底藏珠媚水濱

試題

聖藻品題為座主翰林甲乙是門人拜颺又值明
良代感激遙聞到隱淪

五言絕句

宿張氏草堂

醉向空堂臥三更夢始回江聲并急雨同到枕邊

來

樵

趨捷類猿公峭壁斫枯樹黃葉身上秋白雲山下
路

題陸村平畫晚景

依微鳥外山迢遞煙中驛日暮何所之愁絕舟行
客

和張永夫歸邨雜詠

松杉徑

愛此松杉徑天寒晚行藥四顧寂無言空林殘雪

落

南湖

侵晨泛南湖湖光漾寒碧漁船正早炊微煙起蘆
荻

北垞

白雲生高原忽渡南湖去遙知隔溪人應與雲相
遇

竹亭

翠靄晚欲滴微風清幽林美人瀟湘來空亭彈素
琴

浴鷺溪

鷺鷥愛脩潔飛來浴溪水溪翁無機心相對澹如此

曉起

疎星淡已無纖月猶木杪天未明霞生煙中散羣鳥

問渡

斜日晚悠悠寒江古渡頭隔溪人不見獨立蓼花洲

過青陽鎮

彌望脩竹林人家住叢綠日午炊煙生雞聲出茅屋

題邵僧彌畫

松風響高空飛流挂遙巘道人抱琴來心與孤雲遠

芥軒行樂圖

雲開天地空雲歸溪谷杳客至迷行蹤欲待呼童掃掃雲

飛流挂絕壑萬丈與石關道人斷聞根終年坐虛實觀瀑

十里五里花千堆萬堆雪緩拖藤杖行清香散林
樾探梅

萬古有此月百年無此身舉杯邀月飲同爾謫仙
人對月

詠古二首

挂劍臺

高臺空想象古墓亦消沉千金季子劍千秋季子
心

歌風臺

登臺歌大風亭長作天子韓彭安在哉徒勞思猛

士

題畫

空山無人踪風泉多靜理古洞歸寒雲石牀落松
子

題余南舉照

手把卷旁列酒
甕尊壘諸具

耳熱酒酣後依然誦石經始知吾黨醉還異衆人
醒

題桃花源圖

廬舍圍花竹牛羊散術阡誰言秦網密此地有閒

田

世外淳俱散山中業未荒不知秦以後仍是夢羲皇

鶴柴

仙禽何處來髣髴緱山嶺林陰午夢餘松風吹不醒

夜訪金立斯張畢亭時予將為日下之行
賦斷句言別

別友過楓江寒鐘坐餘歇情多轉難言共步東塘月

楓江夜泊

野宿隨寒雁辭家第一宵
星星漁火亂知是泊楓
橋

柝響已深更
隣舟人語歇不忍便安眠
貪看故山月

石屋

石屋巖之幽
霜降寒威滿
山猿繞屋號
轉欲依人
煖

道中口占

孤負依依柳車行不住
輪道旁雙隻堠送盡往來
人

晚晴

雲開逗夕陽
水落穿淺土
時見叱牛翁
一犁帶殘雨

穎考妣故里

舍肉君能悟
登城身自危
如何純孝者
亦有挾輶時

題黃尊古畫

千丈危崖裂
巴船石罅行
忽從天上落
驚定賀重生

生

巴船出峽圖

我媚高極天
春月景殊絕
山南萬樹花
山北千崖

雪 裁 嶠 春 月 圖

渴猿戲層崖什伯互連臂下緹飲江流逢人不相
避 猿 戲 圖

五臺

五層臺已極陰壑晝常昏六月吹殘雪飄飄度鴈
門

老人峰

羣峭攢高青巔崖立石叟見我老人來雲端為招
手

上小心坡

盤陀入層雲側足陟磽礧平生凜冰淵小心匪今始

臥龍松 在文殊道中

老松當澗卧橫榦鉞蒼鱗撫之悚然敬如遇隆中人

迎送松 在小心坡

兩株相迴盤客過互相向送迎古今人羨爾能揖讓

破石松 在一線天

松石兩相爭松怒裂崖石不知始何年想象自開

闢

舟曉

推蓬靄濛濛
涯岸那能辨
煙際棹聲來
兩船不相見

筏渡

急溜陷平沙
橫渡筏為亂
津逮一曉間
何須分彼岸

天柱峰

帝閤東南卑
特教聳一柱
巔頂雲煙中
恍疑入天路

七言絕句

看梅

的皪清冰散滿枝
寒香浥浥出疎籬
夕陽野水煙邛路
記取籃輿獨到時

渡江

中流擘箭下危磯
望裏遙山入翠微
颿影猶龍衝浪出
水聲疑雨挾舟飛

一葉輕船趁好風
金焦雙峙亂流中
船頭不怕蛟龍窟
貪看鯨波浴日紅

鷺脰湖詞

湖波起穀晚風餘一抹殘霞畫不如傍岸漁家盡
收網綠楊深處賣銀魚

西湖雜句

六橋楊柳罨輕煙細雨絲絲汎畫船乍識澹妝西
子面亂頭粗服更天然

意行初過望湖亭教伎樓邊步暫停禪榻鬚絲空
學道閒情猶問舊西冷

女伴閒行過淨慈金錢暗擲卜歸期鷺峰尚有飛
來日不信狂夫愛別離

南渡江山入眼明荷香桂子若為情却憐一片臨

安月同照龍沙五國城

湖光宜雨霰宜晴好景偏憐夜色清
十里畫船歌舞歇月明徐聽按箏聲

曉風颯颯林端生雷峰塔前夕照明
南屏鐘動鳥飛絕人在亂山缺霧行

穀聲柔櫓劃波還暮色蒼然滿四山
勘破西湖塵土夢夜涼月白話禪關

懷友十二章

鬢鬢白盡眼還明彌勒同龕寄此生
曾憶往年豪興在更闌剪燭共談兵

竹堂沈莊懷

囊中小筆通靈畫篋裏清詞正始音數載相思不
相見鷺湖真與別情深

梁谿李芥軒

故人久侍金鑾直門下齊歸供奉班垂老一官羈
鄮縣天教看遍會稽山

錢塘馮丈子

荻溪樵叟侯門客疎放還餘舊性情君過南朝故
宮闕斷腸應共沈初明

荻溪王千里

二陸臺邊日把鉏側身天地一農夫遠遊忽過九

疑去細雨黃陵聽鷓鴣

雲間顧鵬洲

黃河遠舍走奔渾留滯曹南秋復春赤芾麻衣休

共覈故園杞菊待歸人

甫里陳樹滋

進言台
決計入山深復深女蘿山鬼發清吟高歌一聲振
林樾舉世無人知此心
研山張永夫

脫帽歌呼號酒狂吳門煙月薊門霜知君廣武山
邊過匹馬寒風弔戰場
薊門馬寓公

草草相逢旋離羣孤舟日暮雨紛紛此行遙入黃
山路三十六峰眠白雲
暨陽翁靜子

廿載才名滯海隅冷官依舊守菰蘆乞
氣錢邠有

蘇司業射雉虛傳賈大夫
張獻竹

草堂蹋雪遠相尋二妙今題漢上襟真箇把君詩

過日秋蘭芳杜美人心
甫里周允武欽葉

千年古木不生枝此意惟應野衲知
遙憶雲堂夜深坐五言清誦孟公詩

柏堂樾亭上人

磨劍圖

青蛇一握泉三尺磨去銅花光倍寒
自昔干將持補履莫教輕示衆人看

題計希深讀莊圖

長安歸後守菰蘆一卷南華得故吾
滋味世間真腐鼠從渠仰視嚇鷄雛

物理區區那足齊莊生辯論亦支離
從知忘象忘言處只在蘧蘧化蝶時

壯志欲馳玄圃輒晚年真息漢陰機靈均憔悴蒙
莊達請問先生孰是非

一朵牡丹為蔣繡谷賦

名花是露委芳塵一朵腥紅照暮春應是館娃香
散後五湖留得泛舟人

題楊大瓢黃冠圖

絕塞歸來萬里身黃冠欲作老閑民四明湖畔如
相遇髣髴歸山陰賀季真

齋心擬謁武夸君瓢笠何妨伴水雲自寫道經能
入妙不教逸少籠鵞羣

某太守屬題三峽圖

三峽高懸萬仞流三聲猿嘯萬重愁憑君唱徹公
無渡灩澦何曾斷客舟

戲為絕句

從來臭腐即神奇決擇鎔陶在我為何事爾曹談
墨守少陵詩法已多師

杜陵豈是邨夫子一任兒曹笑未休崑崙河源不
挂眼轉道黃河是濁流

聲叟篋中冰雪吟九疑高高浯水深誰人洗却箏
笛耳一聽雲山韶濩音

興寄那如奉禮詩女蘿山鬼是吾師時賢不識楚騷體只賞天驚石破辭

共憐獺祭驅材富更說西崑體格卑今古玉溪無定論幾人誦述到韓碑

端明學士渭南伯兩宋才華此獨優後人嗤點太容易滄海何妨有橫流

吳中權歌

湖上春風太作顛湖邊女兒試春船十三嬌小能搖櫓一聲劃破水中天

鴉黃楊柳罩漁磯鴨嘴船從港口歸與郎鶯脰湖

邊宿共看鴛鴦對對飛
浪暖桃花三尺強五湖煙雨泛蒼茫自是吳鄉生
計穩憑他三月下瞿唐
官船戕峨來往過看儂打槳聽儂歌盡日風波共
搖蕩不知人世有風波

觀劇

落花飄絮點歌筵小隊蠻鞞劇可憐莫唱雨霖鈴
夜曲坐中還有李龜年

坐有舊
歌者

市樓南院委塵沙樂府仍聞奏阮家拋擲河山等

閒事臨春先有後庭花

弘光時阮大鍼成
燕子箋樂府進御

贈舊歌者

誰遣何戡唱渭城
匆匆恰有遠人行
一聲乍起腸應斷
爭忍聽他第四聲

清尊紅燭眼糝餬
如夢如塵話舊都
鼓吹燈船休再問
寒潮空到莫愁湖

家舡翁編修碧浪泛舡圖

不向君王乞鑑湖
一篷隨處逐飛鳬
白魚紫蟹青菰飯
便欲煙波作釣徒

苕溪雪溪夾鏡明
浮玉鮑山如送迎
校初染雲舡載月
閒身較穩近蓬瀛

具區遠近碧灣環樵婢漁童往復還讓爾澎湖船

萬斛龍涎影裏到中山

時徐激齋編修出使琉球徐係壬辰第三人輪翁第

也二人

楊柳枝詞次宋玉才韻

麴塵縷縷颺春潭野店官橋總不堪吳娃貪綰同心結只緣春色在江南

白門幾樹昔曾攀莫愁湖邊灣復灣倘問前朝南院子祇餘煙雨拂銅環

汴堤風物畫難工走馬歸來類轉蓬記得垂楊千萬樹飛花還繞舊隋宮

蘇州煙樹寂消魂，鴈齒紅橋幾處邨。
白傅詩中添半格，柳枝髣髴並桃根。

杏花邨中雨連綿，搖颺酒旗斜帶煙。
柔條欲折不忍折，留繫吳娘鴨嘴船。
夫婿飄零飛絮同，東西南北逐回風。
深閨隨處多長觸，不獨紅樓眺望中。

漁歌五章題漁樂園

娶婦生兒總在船，開筵雜坐五湖煙。
濁酒瓦盆同一醉，憑渠高臥夕陽天。
我儂家計問煙波，醉後何妨便唱歌。
不種官田辦

租賦那知世上有催科

捉船運漕

去聲

走淮流商船民船日夜愁獨有漁船

無用震鷗鷺閒放蓼花洲

漁家女兒雙髻丫
音髮邊斜插蕪青花不怕江湖相
率欺得白頭浪裏響魚叉

獨木橋邊榆柳邨
檣頭船傍舊柴門
看罷老牛閒
舐犢也含餅餌飢兒孫

羅浮蝶詞和顧嗣宗

四百峰頭五色雲
翩躚鳳子錦為文
深閨莫便矜
穠麗空賭箱中金縷裙

雲綃霧縠舞僊僊擅得嘉名七洞天

朱明洞一從名胡蝶洞

古修者受謠詠漫矜丰格寂便娟

故鄉縹緲近蓬萊來傍吳宮舊館娃曾與麻姑作
仙使等閒肯上美人釵

林花落盡始飛翻深鎖金籠未是恩知爾夢魂難
忘處蠻煙漲雨海邊村

略同么鳳鍛毛衣輪與青寧自在飛文采可憐真
累汝石樓何日帶雲歸

秦淮雜詠

六代南唐勝朝興壞前已見金陵詠古詩

矣秦淮風物觸緒成詩事皆瑣雜不復倫
次

六代江山久寂寥
滕朝宮闕亦煙銷
祇餘燕子憐
春色依舊銜泥過
內橋

賜第中山寵舊勲
於今華屋亦埃塵
東西園裏無
人到時有流鶯
怨晚春

不數迴風唱麗娟
懷寧一曲萬人憐
家亡國破渾
閒事留得新聲
燕子牋

十四樓空煙雨寒
居人猶說馬湘蘭
紅妝季布誰
能識楊宛張回
一例看

鼓吹燈船續舊京當年楚客氣崢嶸清辭欲下銅

仙淚曾聽前朝煞尾聲

合肥龔尚書芝麓結燈船鼓吹之勝命客賦再聞燈

船鼓吹歌篋人杜于皇長句擅場合肥顧夫人以百金贈之

橫波寫出楚江春詩句蘼蕪字斬新地老天荒趙

承旨多情應為管夫人

金陵周氏藏顧橫波畫蘼蕪上有柳蘼蕪題句顧係合

肥龔尚書夫人名看生柳係虞山錢尚書姬名是字如是蘼蕪小字也

紫金山翠石城東望裏牛羊夕照中此日通天臺

畔過并無沈炯笑秋風

褒鄂勲名重李家後賢縱酒是生涯醉中間却携

鋤手嬾種東陵子母瓜

中山靈壁後人俱隱於酒

綠楊影裏撥琵琶。小隊蠻妝。學內家。前代興亡誰
解惜。更無人唱後庭花。

流寓詞人。錢飲光。兩雄並角。杜子皇。百年儒雅消
磨盡。何處荒墳弔夕陽。

長板橋南。舊酒樓。昔年曾此記觥籌。主人莫訝容
顏老。已到秦淮十度遊。

曾葉生獨釣圖

紛紛陽鱉漫驚猜。任爾波流去復來。莫恠九魚俱
棄却。當年曾上釣龍臺。

閩粵並有釣龍臺
葉生舊遊地也

歸愚詩鈔卷二十

長洲沈德潛稿士

七言絕句

花朝飲王千里寓樓同雲間陸圃玉

高樓縱酒合歌呼相對蒼茫感鬢鬚三十年前談
往事輕塵短夢兩模糊

男兒失路總無憀客邸相逢壯志消紅杏綠楊春
滿眼却忘今日是花朝

登樓作賦擅才華歎逝分明散曉霞誰向白楊成
柱後尊前還弔故侯家

千里圃玉皆徵侯張氏故
客是日述張氏盛衰事

六代江山念廢興
那能醉後任曹騰
釣簾欲認龍蟠
處一角雲煙露蔣陵

秋暮

礧碌閒眠秋莫時
寒風斜日冷茆茨
幾家田裏餘杭稻
只有南來鴻鴈知

題小停雲未了畫

清世遺民有祖風
興來點筆不求工
大痴寫樹忘添葉
無限溪山未了中
小閣松陰夕照邊
曾於竹塢弔前賢
相門袍笏皆零落
只有雲煙似往年

雨泊話舊

寒雨蕭蕭夜打篷
蓬窓相對一燈紅
十年無限存亡感
并入空江話雨中

西湖嬉春絕句

問水亭邊上小船
青山白塔故依然
旗亭買醉三生夢
重到西湖廿四年

處處紅樓映綠波
缺瓜船裏載青娥
中流試聽船娘唱
半是銷金鍋子歌

三壺真在水中央
那數前朝十錦塘
剡筴引泉王副使
種桃插柳李都堂

裏湖外湖水連空南高雲接北高峰錦帶橋頭與
郎別花神廟畔又相逢

魚羹曾說宋五嫂賣酒還聞蕭九娘誰向壚頭問
前事春風忙煞冶遊郎

堤邊女兒試春衣三三五五映芳菲錢王遺事人
能說猶唱花開緩緩歸

葛鵲舊為師相宅半閒堂外斷人行蟋蟀鬪餘軍
務了不應更說救樊城

鳳皇山頭日欲曛銅駝石馬臥寒雲曾下初明眼
中淚錢家宮殿趙家墳

孤山山北妾家樓紙帳孤眠春復秋怕見石函橋
外水一湖分作兩河流

看潮來到三郎祠等潮等過日斜時近日浙江潮
失信不須嫁與弄潮兒

十里長隄徧種花花間搖漾酒帘斜大蘇風流人
不識偏問西泠蘇小家

題諸襄七太史月中清露點朝衣圖

一庭清氣潤蒼苔望裏微茫是禁槐腰下佩魚猶
未解廣寒初聽紫雲回

晤程子純江并得淮上諸友消息

白下分飛各夢牽天涯相見倍相憐
青袍爾我原依舊只有容顏異往年

周郎

白民

歷落欽欽者聞道垂綸向碧潭
為語鶯鳩

休竊笑雲鵬欽翼倦圖南

一官手版

日匆

忙素旒旋看返故鄉

劉子萬資

消息傳

來傾老泪底須聞遂過山陽

風物誰莊

程氏圖名

費夢思殿春花藥放千枝何時會

合諸名士賭取旗亭畫壁詩

同李玉洲太史張鴻勳家柝園二上舍暨

李傅天兒子種松豐臺看勺藥

豐臺遠近並栽花拄杖敲門野老家隨意殿春寧
一朵狂來欲插帽檐斜

柔枝穠態若為情客裏看花眼倍明略似少陵臨
水見五家合隊麗人行

文窓雕砌付蒼煙開到名花轉可憐猶有園丁閒
把來逢人還訴舊平泉

載酒閒園賦折枝風流七子憶南皮廿年鳥影匆
匆過互對名花看鬚絲

戊戌歲吳中諸子置酒秀野園邀玉洲與予看花

題郭善夫明府度隴圖

隴坂崎嶇不可行隴頭流水斷腸聲晚年宦海風

波惡始覺黃金子午平

相逢燕市共歌呼欲覓當時舊酒徒尚有出關豪興在夜寒燒燭讀兵符

南還口號

軺車一兩潞河東回首長安夕照紅無限離情難忘處西山蒼翠夢魂中

冰雪泠泠太古音枯桐三尺意深沉皇苓一曲君能賞枉費成連海上心

遙指雲巖有故廬野人只合伴猿狙自朝一事輸韓愈光範門前不上書

鍾吾驛

鍾吾古驛黃河濱
粘天白浪無昏晨
相逢津吏為予說
看盡南還北往人

蠶女辭

箔裏蠶多每怕饑
蠶娘忌客閑荆扉
紅蠶成繭無多日
又為鄰家製嫁衣

題河東君遺像

零落靡蕪七十春
畫中依舊見丰神
墮樓一樣能輕歎
肯負多情石季倫

尚書為爾輕高節
腸斷文君放誕時
身後遺民作

佳傳西方別有美人思

高士顧苓作傳苓字云美

沂城至蒙陰記途中所見

墻圍黃土路沿沙夫把犁鋤婦作家肯信歌樓殘
月夜醉教紅袖撥琵琶

書東坡詩集後

海外何愁瘴癘深華嚴法界入高吟宣仁龍馭迴
天後誰見孤臣萬里心

書放翁詩集後

幕府淹留仗友朋南山射虎興飛騰可憐輸與杜
陵老未詠收京紀中興

書錢牧齋詩集後

南部甘陵數黨魁
晚逃禪悅劇堪哀
白頭紅總歸來後
猶費陳宮作賦才

書吳梅邨詩集後

蓬萊班裏舊仙卿
辭却青山悔遠行
擬作弔陽離別賦
江南愁殺庾蘭成

懷人絕句

負戴還同廡下春
詩篇意度自從容
知君老去聞根斷
不聽寒山半夜鐘

金東塘俱工詩近患耳病

清辭碑碣許磨鏤
幕府歸來剩一羶
養鶴不愁糧

粒斷朝來收得賣文錢

李客山

空明水月通禪觀縹緲雲山無定蹤何日從君泛

湖去瘦筇同上莫釐峰

黃蕉亭洞庭約更遊東山未果

丁巳同遊西

黃木扶胥入句中海濤筆陣互爭雄酒闌倘話少

年事馬上能彎兩石弓

許竹素少歲長弓

時留廣東

孺人稚子家庭樂況有門生載酒過暇日竹亭聊

送目亂山三面點青螺

倪頓塘

未嘗獺祭才原富自愛林居拙獨存新買一船雲

水外載將桃葉與桃根

厲樊榭

解吟風雨一身秋少歲才名著遠遊此日荒江勤

述作不須王粲更登樓翁朗夫少時作客分賦
兼衣有風雨一身秋句因

此得名

官閣依人計總非到家穩臥釣魚磯篋中一卷桃

花紙載得巴江劍閣歸盛青樓時
入蜀歸

添籌閣上進危匱一室春和藹藹時補罷白華纔

閣筆弄孫又詠晬盤詩韓補瓢

何妨仙跡尋徐福亦自狂名續牧皮縱酒說詩空

眼界依然瀛海泛舟時黃野鴻嘗之海外後
成說詩一卷多創論

白雲留得伊人住却有閒人勦不堪老鶴翻空謀

遠颺北山之北南山南蔣一瓢寫白
雲留我圖見志

夢斷長安十五年采蘭時到小山前彩衣不把宮
袍換和得笙詩第一篇邵灝夫

暫傳雲鶴與羣鴻

募鍾傳書

看黛描將一倍工門內更

聞添樂事弄兒聲出小窓中

陳遠邨

愛汝玉山草堂靜

杜句

五年相聚共論文松筠近日

聞深鎖閒却溪南十畝雲

生鶴書

高才於世真何礙流輩偏多忌姓名願爾養雞師

紀渚莫教盛氣與能鳴

蔡芳三

臨池還比課詩忙積案索索復滿牀共愛元和新

樣腳漫耽古拙學鍾張

錢訥生

著書何必為窮愁
矻矻花橋水閣頭
傳得匠門衣鉢
在憑渠談笑割鴻溝

顧祿百

沿門濃綠稻苗齊
課了新詩旋灌畦
舊是吾家樓隱地
夢魂常繞采葑溪

楊雙山

調餽高堂樂有餘
夜長忘却似鰥魚
賦琴樓上牙籤富
要讀人間未見書

蔣子宣

石經牋疏俱穿穴
旁及茶經又鶴經
更把一竿閒釣雪

灘名

遠隨鷗鷺入煙汀

家冠雲

永嘉歸後更移家
家具何曾滿一車
賒酒命兒書約券
收綸留鶴守空槎

家湘鳧

一龕佛火話松關五載奔忙彈指間憶得枯禪引
泉脉潺湲送客出名山心澄上人

曾寫青山送遠征道人忘世轉多情別來更寫青
山否待我歸時荷鋤行

魏浮構道士

西山探梅

芒屨重蹋梅花國五載匆匆彈指過午夜高眠萬
松上諸天花雨落髮陀

日邊歸後此身輕竹杖挑雲到化城聽罷無生萬
緣靜臨流不用濯塵纓

才過野店便溪橋携却詩囊又酒瓢但覓幽香最

深處不須前路問山樵

石樓高傍彈山開遠近湖光入座來莫笑老夫筋力倦一筇直上萬峰臺

山間處處起高墳百尺豐碑勒舊勲獨有珍珠塢

中墓

徐侯齋先生

峨嵋晴雪太山雲

留題石壁韻敲鏗韓孟聯吟縱復橫此日尋僧共茶話輕塵短夢似三生

乙酉春與匠門先生用險韻同賦石壁今已三十五

年矣

盍盍山畔路微茫曾破煙波泛野航鴻爪雪泥懷往事閒身真箇到漁洋

新城尚書愛其名未嘗到也

吳越名賢聚六浮俄然金谷已山北清才不逐豪

華散請看湖波終古流

李長蘅欲建六浮閣於查

干春觴詠名流於此極一時之盛然今人所知者長蘅也

上陽邨中野人家開園樹樹枝槎枒客到無人管

迎送迎只有古梅花

香雪海邊日欲曛花光湖影杳難分道人迷却還

山路只道漫漫總白雲

題葉天寥先生遺像

先生後歸空門

趙曉曹節干天紀王八朱三覆地維歸隱深山足

鳥蹄逢萌戴盎是吾師

一筇一笠老林泉，經卷楞伽手一編。
大地山河總空幻，并忘身在義熙年。

過京口訪余江干墓草已宿

賞詩高閣會羣賢，鳥影匆匆二十年。
重過人琴俱不見，詩瓢空挂素帷前。

曾寫清辭手一編，老來追憶已茫然。
何時丁卯橋頭過，麥飯生芻弔墓田。

書吳日千詩稿後

松江人
名騏

晞髮清辭老愈工，壬申選外有宗風。
呻吟無病君休笑，曾見銅仙泣漢宮。

憶故鄉風景

扁舟曾過綠楊邨。一帶梨雲訪華門。驚起沙鷗時
一兩前溪飛破淡煙痕。

西鄰客號種花癡。忙入春來無了時。月夜移將書
帶草雨餘扶起海棠絲。

山店家家放杜鵑。深紅淺白各爭妍。當筵誰唱玲
瓏曲。便當新聲蜀國絃。

香溪兩岫綠陰肥。晴日濛濛罨釣磯。倒影波心流
不去。碧雲飛染美人衣。

海燕初來荻笋抽。鷺飛橋畔水如油。老夫閒立磯

頭看三寸銀魚恰上鉤

野花作雪柳吹綿記得江鄉三月天
閒向合流菴裏坐雨前茶煮白雲泉

為張鴻勳題元人唐伯庸百駿圖

百駿還同八駿良一時捷足遇孫陽
如何細草江南岸偏剩權竒老驕驪

移寓五章

荒堤繚繞鳳城西槐柳陰陰色欲齊
仍是采葑溪上住春深只少鶉鴝啼

屋角時聞噪晚鴉土墻一帶任周遮
行人欲認詩

人寓老樹邨邊第二家

素心仿佛似南邨

玉洲南華前輩家楫園侍御寓俱鄰近

拄杖扶携

日叩門山史茶經商榷了還將琴價互評論

菜市喧呶遠見聞人家多半樹榆枌憫忠古寺鄰

顏巷時聽鐘聲打白雲

庭滿林陰借兩家一編每坐日西斜明知泥上留

鴻爪也把長鑱種杏花

紀

恩詩八章

有序

六月初十日編修

臣德潛

以授職之初隨

班引

見奏對畢

皇上諭輔臣云沈德潛係老名士令和消夏十詠
餘頷和者亦和時於內閣軍機房分給筆
札

賜飯及餅餌瓜果午刻至未成詩十章進呈同和
者編修臣裘曰修蔣麟昌鞠遜行檢討臣
陳世烈廖鴻章越翼日傳

旨嘉獎

賜文紗越葛有箬伏念

皇上天授之質日新之學教養清暇流為詠歌雖
偶然賦物無非茂對時育物各得所至意
而臣以庸碌下材得與賡歌矢音之末有
餘榮焉因成紀

恩八章以志太平盛事

采恩流影耀珠櫺奏對班聯俯

禁廷望見紅雲最深處勾陳擁衛

紫微星

日上螭坳正未晡內官承

旨為傳呼小臣親沐

官家問知是江南老腐儒

捧出

天章煥采毫驪珠光遠燭神皋金和玉節超今古
山到嵩高莫並高

上方珍果給詞臣拜罷

君恩覓句新
矯動宵翹經茂對
那能寫貌更傳神
西抹東塗憶往年
偶然羸馬亦騰騫
十章和就

君王詠細聽南風奏舜絃

越葛龍紗織乍成旋逢

君賜出廷英
擎歸兒女爭傳看
被服能教暑氣清

御園遙望似蓬萊水殿雲房相向開
珥筆從臣輕輦過荷花香裡謝

恩來

誰道鮎魚上竹竿老年

恩遇海天寬藝林此日傳佳話
便作卷阿歌詠看

題靜默上人照

面目誰能見本真清言指示宰官身
沸湯忽現青蓮朵

祿位能輕便活人

有大獄未決上人曰諸公能稍輕祿位則無冤矣

憶方外亡友樾亭

壯歲聯吟得古歡應時改定受譏彈
年來自愧無

高格不見彌天釋道安

方外情親似弟舅幻雲散後了無痕
軍持拂子俱零落只有寒流遶寺門

畫菊

淡墨踈踈寫晚香此花開日即重陽
東郊桃李俱前輩憐爾枝頭帶曉霜

汪夫人畫蘭遺冊

空谷無人亦自芳紅閨寫出墨痕香
海山去後無消息零落西風憶佩褱

杜蘭香去逐天風畫冊空留梅閣中
猶有庭前舊

時草秋來開到夕陽紅

名關蘭

野渡

孤村搖颺酒旗風
野听人家綠柳中
略似江南渡
旁渡一灣秋水晚霞紅

過邯鄲道呂仙祠

高枕初醒萬境空
坐間指點有仙翁
世途無限勞
勞者都入盧生一夢中

夢魂顛倒捻非真
結想由來是夙因
此枕倘邀田
父夢只爭多稼勝鄉隣

過許州

到霞陂塘決決流垂楊百里罨平疇行人便覺須
睂綠一路蟬聲過許州

夢亡友徐龍友

黯黯魂來楓樹林鬢毛未覺雪霜侵賞詩使酒論
刀稍依舊平生一片心

閨中對月

烏鵲翻飛欲遶林虛堂疑受雪霜侵寂憐一片清
秋月同照天涯多士心

衰柳

衰容轉似麴塵黃搖落長堤倍可傷滿眼漠南蕉

萃意棲烏曉斷五更霜

風姿那復舊娉婷
夢想官橋一路青
欲贈遠行無可折
離心空付短長亭

杖頭不障月輪圓
相對寒潭意惘然
只恐春風太多事
依前吹出萬條煙

和塞曉亭閣學過薊州作

煙樹模糊不辨村
平沙隨路認車痕
自嘲南國旅蘆客
風雪盤雕入薊門

題潘森千冊

秋蘭

紫莖綠葉楚江潯
蒼蘚何緣共作林
不用臨風歎
遲暮無求真見美人心

玉簪

花徑誰遺白玉簪
插來初綰髮鬢影
娥池畔休
閑立也恐搔頭墮碧潭

金錢

不須輪郭略成形
曉露初開夜已零
顧我本無和
嶠癖任他榮落散空庭

雞冠

花冠排比自成蹊
虎落秋容一望齊
佳卉也通莊

叟意無聲獨立夕陽西

秋葵

玉露零餘吐嫩黃秋庭忽見道家妝
世緣已謝歸仙籍也復傾心向太陽

白蘋

貼水平鋪幾點秋
寒芳孤棹自夷猶
湖濱一夜西風起
無限愁心柳惻洲

木芙蓉

微霜點後醉江干
一片紅雲漾碧澗
豈必石丁才作主
愛花我亦是仙官

蘆花

蕭蕭瑟瑟半江風
涼露蒼茫遠望中
秋雪叢邊移釣艇
野漁恰是白頭翁

席上作

一曲迴波四坐春
銖衣穩稱可憐身
羅虬百首應增入
比得紅兒是此人

沙蟲猿鶴滿天涯
扇畫桃花當鈿釵
唱罷東塘舊時曲
又牽愁思到秦淮

奉

敕題王詵瀛海仙山圖

晉卿位望本豪華寫出蓬瀛海外家舊與蘇仙同
討論故應骨髓入煙霞

寶笈收藏重鼎彝當年偶屬傳延之從知

天筆標題者曾遇湓江灑泪時建炎時此卷棄擲於湓江路傍延之

買得不禁灑淚
延之自記

題趙飲谷說劍圖

青蛇三尺恩風塵誰識周防志士身百鍊精剛化
柔鐵莫教說劍向時人

送吳自堂宰嘉祥古武城邑因麒麟出改今名

一路流亡缺爨煙君行鳩鵲可安眠不須更奏麒麟

麟見但願耕牛遍野田

春闈校士作

春闈校士遣春官奉

命由采報稱難老去自憐雙眼瞇名花恐在霧中看

棘院論文夜不眠探驪敢惜涉深淵風檐慘澹經
營處辛苦親嘗四十年

九字同探

帝里春嘔心爭試墨痕新日華五色休輕擲肯負
長安下第人

七夕辭四首

銀漢無聲月吐睂涼風瑟瑟動虛帷自吟落葉哀
蟬後并忘仙家會合期

玉露金風入夜寒絳河絡角亦生瀾東西隔斷無
由渡天路從來作合難

那堪靈匹又分襟略似參商悵別深獨有姮娥無
伴侶此生不起別離心

璇宮莫怨渺難攀地久天長往復還只有生離無
死別果然天上勝人間

題狩獵圖

五石雕弓滿月開沙場忽聽響晴雷左賢倘欲知名姓曾射南山猛虎來

騶馬騰空並鳥飛失林窮獸那能歸披圖更憶隨龍馭萬騎漁陽雪打圍

乙丑正月從駕過薊州事

查尚樸行役圖

塞驢特特去匆匆踪跡年年類轉蓬萬里是家家是客并忘身在道途中

迓耕石水村取適圖

天隨風趣想依稀短棹衝寒雪尚飛但使寸心無一事取魚取適總忘機

荻蘆叢畔發清音可是吳吟是越吟生計由來取
安穩釣船不到大江心

水鄉到處足莼鱸合向煙波作釣徒閒喚樵青蕩
輕槳順流直溯女兒湖

萬里崎嶇行路難滇黔秦蜀興俱闌歸來倍覺風
光好珍重生涯釣雪灘

橐駝

馬羣腫背見因稀受制羌兒不用鞬憐爾蹣跚非
健步可能送得木蘭歸

夜泊聽雨

入夜蓬窓罨散絲、深更殘溜滴遲遲、夢餘忘却空
江畔、猶認春明聽漏時、

出黃山作

六六奇峰向我迎、穿雲涉澗一身輕、歸來笑答同
人問、真箇懸崖撒手行、

新昌道中

穩坐籃輿似御風、秋山看遍瘦玲瓏、此身自今真
無事、盡日白雲紅樹中、

題簪花圖遺照

簪花風格舊曾聞、久矣雲英化彩雲、不種小桃花

一樹何人知是薛濤墳

曾遇當筵冰雪姿輕塵短夢悵何之卷中此日重
相見猶認春風舞柘枝

繡谷留春春可憐傾城名士總寒煙老夫莫恠襟
懷惡觸撥閒情五十年

唐辰歲遇憶壤於歌
筵今五十餘年矣

王岡齡園居

闢地為園只數弓四時花木總成叢一聲玉磬主
人出身在衡山畫卷中

主人慕文待詔高品每作
畫仿之所葺園亦宛然文

氏畫
圖

清池風過起漣漪時有文魚作隊嬉雲影天光隨

領取不應獨許晦翁知

大澤深山未易遊一邱一壑自風流莊生齊物君
能悟已到三壺與十洲

連蜷叢桂小山旁玉露初零綰早黃悟得吾無隱
乎爾庭前露處木樨香

底羨齊雲與落星小樓眺望入沉冥空窓添得琴
書潤送盡吳山面面青

梅林竹徑遠塵闌點筆空庭盡日閑風物眼前俱
稿本不須粉墨仿荆關

觀劇席上作

主人愛士聚名流，特敞歌筵命小留。
好出海山無限景，此身疑已到蓬邱。

歌舞吳宮香色迷，館娃散後鳥空啼。
泛湖一去無踪跡，誰識儂家舊姓西。

用東坡語意

鴻溝割後轉連兵，垓下聞歌盡楚聲。
騅與虞兮拋不得，英雄自古最多情。

絕代佳人去紫臺，寸心未死已成灰。
李陵碑畔纖纖草，莫遣生連青冢來。

清平絕調洗陳因，妃子名花共占春。
力士脫鞵污我足，才人真箇目無人。

梨花葬處近郵亭蜀道歸來夢乍醒
夜靜更長聽不得攪人離思雨霖鈴

梨園往事散如煙一曲琵琶劇可憐
最是春殘花謝候江南零落李龜年

掣肘汪黃勢不支杜充那可任安危
渡河殺賊平生願垂歿長吟蜀相詩

鏡花水月夢偏驚因夢生情是至情
今古不離情字裏情深能死復能生

秋江一棹遠今離苦甚巴山夜雨時
江畔芙蓉亦傷別替人憔悴減容姿

夏嚴雞關議顯宣

江西呼人為雞夏嚴二相在朝衆人趨之有以昌黎大雞昂然

來小雞聳而待為戲者

師未興時已喪元宰相不須悲禍烈

風波亭獄更沉寃

翰苑瀛臺法曲傳衆仙如在大羅天於今仙樂重

經耳割肉歸來憶往年

賜宴翰苑瀛臺時許諸臣携席以歸

論明詩十二斷句

青邱詩筆籠羣英鷗鷗才高累此生惟有性情難

滅沒天教尾缶到今鳴

集名缶鳴

白燕新篇只關華七言斷句數袁家黍離恐觸興

朝忌樂府休歌楊白花

游史作楊白花樂府明祖謂其有換舊之思伴狂始

免於禍

三楊以後詩卑靡崛起西涯號中興北地雄才經

治鑄

見空洞志

漫將勝廣比茶陵

元美謂西涯之於北地猶陳涉之啓

漢高非篤論也

李何角立敬皇年力掃纖穠障巨川何事受之輕
詆讎一朝風雅許松圓

清才寂數徐昌穀年少居然格老成談藝錄中宗
法在李青蓮更謝宣城

長句升菴獨擅場才人偏遣戍蠻荒閨中錦字何
由寄空望金雞下夜郎

君寒風裁孰與隣蘇門清嘯並超塵味無味處偏
多味不使才華見性真

王李相高過詡誇虞山倚撫太求瑕披沙大有良
金在正格終難黜兩家

眇目山人足性靈詩盟寒後苦飄零王李始推茂
秦為盟主後

乃斥後來誰弔荒墳者只有吳江計改亭計東號
改亭過

中州修
山人墓

舞雩沂水高忠憲泌水衡門歸季思却笑雕鏤冰
雪輩終身但解覓新辭

一袁熄後鍾譚起下里徒聞嘈囋音獨有黃門持

雅正杞杞晚翠歲寒心

陳卧子

討挾經腴髣雪侵遺民述作讓亭林即將韻語論
忠愛半是搖搖行邁心